

HEMEROTEKA

Espainiako Auzitegi Konstituzionalak baliogabetu du Kataluniako Parla-
mentuak urtarrilaren 23an onartu zuen erabakitze eskubidearen alde-
ko adierazpena. Vicent Partalek *Contra la imposició, la desobediència*
izenburuko editoriala idatzi du auziaren inguruan.

Inposaketaren aurka, desobedientzia

Vicent Partal

♦ VILAWEB.CAT AGERKARIKO ZUZENDARIA

EZ DITZAGUN gure buruak engai-
natu. Norbaitek azal diezadala
Estatuak zergatik hitz egin behar
duen Kataluniarekin edozer gauza-
ri buruz, inposatzeko aukera due-
nean. Ikuspuntu txepel batetik,
Estatuko instituzioen eta zehazki
botere judizialaren neutraltasunaz
hitz eginez argumenta zitekeen.
Kontrakoa erakusten duten froga
ugari daude, ordea: Espainiako
Auzitegi Konstituzionalak ez ditu
inondik ere gaur egungo Espainia-
ko herritar guztiak berdintzat har-
tzen. Batzuk eskubide ororen jabe
dira eta besteak, katalanak, jazarri
beharreko areriotzat hartzen ditu.
Argi eta garbi.

Badakite, akatsez eta lotsaz
gaindi, independentzia prozesuak
aurrera jarraitzen duela Katalu-
nian, eta ez dela geratuko. Zirriki-
tu guztiak itxi nahi dituzte. Adie-
razpen hau baliogabetu nahi dute,
badakitelako prozesua Nazioarte-
ko Justizia Auzitegira heltzen
bada, subiranotasun adierazpena
dela emandako urrats guztiak jus-
tifikatuko dituen pieza nagusia.
Zentzu horretan, gogoan izan
behar da Espainiako Auzitegi
Konstituzionalaren jokabidea
mespretxagarria dela. Indepen-
dentzia prozesuak aurrera egin eta
espainiar markoa gainditzen badu,
nazioartean sartzeko, ez du axola-
ko zer esango duten, ezta balioga-
betu egin nahi duten.

Dena den, geuk nola erreakzio-
natu behar dugun jakitea da gakoa.
Hitz egin edo hitz egitera deitzeko
jarrera baliagarria da nazioarteko
iritziaren aurrean arrazoiak biltze-

ko. Argi geratu da, ordea, elkarriz-
ketak ez gaituela inora eramango.
Ez dezagun denbora gehiago
galdu, beraz. Subiranotasun adie-
razpena aurrerapauso handia izan
zen. Eta alde bakarrekoa, hala da.
Parlamentuak proposatuko duen
hurrengo urratsak, espainiar insti-
tuzioei esplizituki desobeditzeko
bidean, konfrontazioaren langa
gehiago igo beharko luke.

*Parlamentuak
proposatuko duen
hurrengo urratsak,
espainiar instituzioei
esplizituki desobeditzeko
bidean, konfrontazioaren
langa gehiago igo
beharko luke*

Jende askok galdetu dit desobe-
dientzia horrek nolakoa izan behar-
ko lukeen. Ez dagokit niri erantzutea.
Uste dut politikariei edota
gizarte zibilaren ordezkari kualifi-
katuei –ANCri edo Önmium Cul-
tural elkarteari, esaterako– dagokie-
la erantzutea. Dena den, hainbat
ideia bururatzen zaizkit: Katalunia-
ko Generalitatearen eraikin guztie-
tatik espainiar bandera kentzea;
Parlamentuak adierazpen bat onar-
tzea, Auzitegi Konstituzionalari
ukatuko diona Kataluniako arazo-
tan muturra sartzea; Madrilgo par-
lamentutik diputatu katalanak ate-
ratzea; edo guztietan
onena, galdeketa proposituen zehatza
egitea, gutxi gorabehe-
rako datekin. ■



BERTSO BERRIAK

Miren
Amuriza
Plaza



XDZ

♦
Doinua: ETAre su-etenetik.

Zubi harresia

Urtza Alkortaren hitzak
zabaldu zituen prentsak,
lehen bait lehen hartu genezan
Ondarru Aske Gunetzat.
Asteartez lo zakura
eraman ondoren presak,
portuko turrinak laster
eten zizkigun ametsak,
baina antxoa eta atunik
ez zen ondarrutarrentzat,
begiradak mehatxari,
zorrotz tentakulu ertzak;
Alamedaraino sartu
ziren olagarro beltzak.

Berehala igo ginen
denok zubi harresira,
eta hedatu zen ehunka
kasko gorriren distira.
Bortxaz nahi izan zituzten
herritarrak erretira,
ostikadak, porrazoak,
lurrean tira ta tira...
Zubitik beldurgarria
zen portuko perspektiba,
nahiz oihukatu “Ertzaintza
jendea jotzen ari da!”
kamera gehienak zeuden
beste aldera begira.

Hiru orduren ondoren
aditu zen garrasia:
“Atxilotu dute baina
hau dago irabazia!”
Urtzari besarkada bat
zinez baitu merezia,
herriko beteranoei
gorazarre berezia.
Manten dezagun Donostin
ta Ondarrun sorrarazia,
lehen bait lehen idatz dadin
behar dugun notizia:
Herri harresitik sortu
dela irri harresia. ■

